

童山詩集

董山詩集卷十四

綿州李調元雨村

癸巳

正月朔高白雲先生山華亭令行取禮部主事來
京先生本辛未庶常今仍還京職出和袁子才蔣
心餘兩前輩詩見示

後堂不到幾多時覲面方驚兩鬢絲喜接春風容再坐
細聽夜雨話相知袁宏文筆千秋仰蔣誦高名二仲隨
怪道詞壇無敵手曾同兩老角雄雌

玉堂著作有先聲不爲郎官始表名人以內墜多代惜

官由外任轉偏榮頭銜依舊水條冷行篋從新翟毳輕
自此相隨寧計日祇愁熊軾促行旌

送大兒朝礎歸蜀省母

自我再來京携汝共馳逐豈惟畢婚事兼妨失舊學去
春花朝前親迎至平谷納吉與納徵禮繁費不足固安
借貸回始得錦團簇新婦初下車肅拜喜有福好合雖
燕爾晏安戒酖毒幸我官未補得以課汝讀又恐責善
離延師致薄束館塾不數武朝夕得親督先生吾年友
學富行亦樸循循真善誘日令蒼乳卓昨者書南來汝
母思汝臨門戶強支撐官租日催促長女已及笄婉孌

誰屬目況有婦未覲顏色可如玉念汝有孝思私向龜
著卜時覽身上衣淚下不能縮能不令汝歸從汝心所
欲臨岐翻恨迫繞庭自躑躅人情思父母畏愛各異腹
母慈多姑息父嚴易鞭扑豈謂性有他實則恩同篤總
之望汝成不殊饑待粟汝少猶聰慧嶄然見頭角汝祖
含飴弄謂可大吾族迄今已成人雲鵬飛應速如何似
轅駒樞下仍蹉跎不見東家子渾渾公府宿不見馬前
卒塵中走碌碌汝今歸至家賢師有兩叔俱從吾指授
文體必不駸汝於解裝時疾用啟書簞詩禮本家傳選
理要精熟莫似昌黎兒金銀字從俗應如蘇叔黨小坡

名不辱惡鳥知反哺老牛解舐犢我今亦衰矣世路懼
顛覆汝去誰扶持加餐聊自勗我雖身在外宦興淡於
粥日有山林想何年遂初服汝歸至醒園爲訪舊松竹
薪木毀傷無無寓人我屋更爲告汝母多多藏醴醪待
我歸來時與客醉百斛醉眠落花間一任風吹覺

江柳

春盡東風草色青鵲啼日落客愁生
江流不斷暮烟合
一樹垂楊萬種情

題醒園圖有感六首

車家山下老農夫走上長安十二衢
昨夜鄉愁眠不得

呼燈起看醒園圖

自分途窮命裏該君平不必太驚猜虎頭不是封侯相
欸段他時歸去來

每到花開踟躕頻故山不見共誰春生憎一幅桃源畫
付與漁郎去問津

再向天涯理客衣回頭三十九年非蓉溪春色花如錦
不爲尊鱸也合歸

煩惱詩人二月天長安買醉日高眠不須怪我朝來懶
夢裏醒園只枕邊

故山茅屋傍雲龍欲寄新詩再拆封寄語兒童牆角外

龜山詩集

卷上四

三

明年添種幾株松

送農部吳鑑南歸以刺史之蜀籌餉二首

蜀道青天上青天我故鄉夷民思向化
天子念循良地本江爲錦人稱國是香
君今從此去遙聽說冀黃困獸窮猶鬪
王師網尚寬三軍瀘水渡六月雪山寒
聚米知形勢飛芻戒飽餐贈君腰下劍
好去斬樓蘭

偕周松岑士孝遊白雲觀

駕言出西郊共訪白雲觀蒼蒼松柏林
金碧飛甍絢聯步上月橋龜拆池已旱
黃冠四五人揖我下前殿爲指玉皇樓
巍巍挿霄漢雷聲忽滿梯身已在天半
上界足

官府鞠躬未敢翫座有黃庭經不許偷眼看聞昔邱真
人於此丹砂煉騎鶴已上昇遺文貯空院不知何方道
局戶學靜幻童子報客來箕坐目猶眩試扣以元理枝
梧雜吐嚙不讀參同契但云吾道貫如此榻項坐哀爾
命如線何時青鳥來倘許我一見

復偕周松岑遊吉氏園分韻得吉字

鬱鬱誰家園有杏牆頭出回首語周子豈可掉臂失相
携踰古垣麥穠芽始茁循牆不數畦已達朱門室有樓
半無窓假山剩齒翠颺鼠拱相向蝙蝠飛已疾回視廊
深處花木尙稠密忽逢駘背翁乍見遠呵叱此是潭潭

府芻蕘尚無一借問今何官彼亦笑咍咍云昔有將軍
縮頸諱名吉炙手勢薰天朝廷資輔弼車馬如流水閭
閻半梳櫚此亭破千家費以巨萬鎰何曾載酒來已向
邊方黜祇餘看園丁老病守蓬壘我聞不勝歎世事何
倉卒人生天地間真若禪中蝨深縫爭來家湯具乃恐
怖不如隨赤松一問點石術飛昇固不知地仙尚可必
安能使百年荏苒如箭疾行當歸去來爾言勿再述

和松岑感懷韻

放蕩驩遊荷盛時邇來形體總支離醉如阮籍方長嘯
狂似王舒欲炙眉偶到無聊還獨笑儒教有恨莫回思

憑君努力加餐飯休遣星星滿鬢絲

和松岑留別韻二首

日高猶掩關睡亦漸成癖剝啄聞客來司閤門始開披
衣起相見備述遠行迹不能事株守爲時尚薪積且當
歸林泉遶舍栽松栢君歸吾亦歸何須樹檠戟

人生慕銅符大都染錢癖使我二頃田豈赴四門闢奔
走似牛磨團團踏陳迹究竟空蝸廬粒粒未儲積百歲
終不大有若巖生栢莫作韓休輩區區謀畫戟

不寐二首

愁人渾不寐徘徊待明發何處涼風來吹落一窓月

酒醒渴思茶小奴呼不起坐見膽瓶花自落硯池裏

與諸同年讌集大司農王白齋座歸賜弟二首

桃李花深畫閣東笙歌如沸燭搖紅門前倒屣來王粲
席上通家盡孔融翡翠簾間敲夜雨芙蓉鏡裏坐春風
自慚樗櫟全無用也廁羣英上藥籠

當年鸞鳳集宮牆盡羨鴛鴦班早綴行喜氣卽今輪捧檄
壯懷何日待烘堂一天星宿披雲宴萬里江湖落月梁
醉舞幾曾拘禮法吾儕原是聖門狂

送米曉亭錦同年之江西樂安任

連年輦下歎僑居捧檄今朝樂有餘地僻豈能終絆驥

水清定自不驚魚鴈飛彭蠡三江外人別燕山二月初
倘念京華舊詩侶臨風好寄一行書

閏二月二十二日得河南孟縣令魯同年

鴻書云

礎兒已於初一日遣人送渡黃河屈指十日可底
家矣作詩寄兒

憶昨登程初著鞭臨門送子百憂煎幼年豈慣征鞍苦
此日欣聞故友憐蜀棧知歆遮雨笠孟津早遇順風船
老夫昨夜還堪歎夢裏還家占汝先

同年曹坦河南人得蕭縣令不之任卽引歸作詩
留別卽次元韻

自昔還鄉說錦衣胡爲四十便知非不隨潘岳栽花去
却似陶潛爲菊歸一刃何曾鷄試割千鈞肯爲鼠張機
知君高卧青山上定有茅菴結翠微

蕭縣聞當泗水亭琴高曾此鍊真形縣令不作隨車雨
尚可追攀處士星百里春風收驥足一天夜月看鴻冥
携尊更欲留君住莫便沉酣喚不醒

送同年高上將之四川新繁任

錦城佳麗地縣在錦城西綠竹人家屋紅橋野寺溪大
都無訟少莫便以刑齊倘有壤人頌吾詩付老黎

挽洗馬史休堂先生 贈謨二首并序

史休堂余恩師也戊寅余自浙歸蜀補歲試適
公爲提學從來補考皆附三等末獨余附一等
蓋破格也科試又拔一等第一獎賞以余卷遍
示諸生謂教官曰吾考蜀三年未嘗見一秀才
此生文字皆佳方可當秀才二字卽日送錦江
書院感恩知己實爲平生第一云

東宮推上選西蜀仰文衡一自荊州識爭傳國士名芝
蘭薰蕕儼華實美劉楨豈意都門外旋看駟馬鳴

師將川任滿我始浙中回曾說三年考方逢一秀才錦
江邀造就翰苑復栽培自愧空羣望依然一老駘

悼亡詩二

首爲姜夔氏作

漫說傾城絕代無佳人本自出魚鳧忽然物故真堪詫
豈是山精又武都

匆匆曾共觸霜風拜別諸親月正冬豈意竟成青塚恨
萬山萬水隔重重

六甲長愁怯弱身幸能設脫更何嗔昨宵一語真傷骨
命薄偏難產石麟

死去原知百物輕香奩處處足傷情更餘一事堪腸斷
愁聽呱呱索乳聲

倩人前月寄娘鞋手自縫題淚滿腮此日郵傳知到未

可憐身已石芝埋

誤汝君臣藥不肖竟無扁鵲一良醫垂危對我猶強笑
想是肝腸欲斷時

午夜扶持不暫離可憐展轉過牀帷世間死亦無君苦
翻勸良人勿過悲

誰能同唱復同廢臨訣良言逝友生薄產較量粗足食
人生何苦住京城

食則同案寢同床幾曾一事不相商絕憐到死無遺屬
執手猶言我不妨

體佳曾記夏涼初笑執經編問魯魚小婢無知猶向說

卷一
一
綉籃拾得讀殘書

月上紗窗恰二更如何夢亦不分明芳魂艷質歸何處
風動簾帷似有聲

父母頻呼淚海傾孝心真見出中誠掌珠自幼親恩重
死去家書只說生

當年七夕武擔山聘得仙姬玉比顏轉恨佳期當日誤
未聞織女在人間

迨吉當年賦標梅楊柳占得轉顏開報他絲秀心中事
方幅聯姻許後來

不少塗朱兩鬢鴉剖心盡欲看無邪如何猛雨朝朝有

易落偏逢是好花

閨中何計慰愁生，鮓肉香腸佐一觥。
憶得夜闌聞酒渴，隔窻催喚鳳仙聲。

鳳仙婢名

桃葉歌殘思不勝，雨隨雲散太無憑。
夜來斗室添涼色，誰送薰香半臂綾。

榴裙褶子是新裁，疊在空箱未忍開。
今夜歲華渾不鎖，恐防怯冷攬衣來。

每逢春暮及秋朝，不是詩招卽酒招。
始悔歡娛全誤却，兩年辜負可憐宵。

聞道身爲一聚塵，百年哀樂總非真。
誰知痛到傷心處，

和皿詩成又示人

題介石上人雲棲雪霽圖

圖爲同年周介亭筆

獨坐茫茫喚奈何
欲尋天女問維摩
上人要識題圖客
家在西川落鳳坡

淡墨生綃萬點山
模糊雪片落林間
前年曾記嘉陵道
一笠衝風出劍關

雪下文君沽酒家
無端碌碌走天涯
勸君莫寫騎驢客
我昔同車有舜華

作如是觀真妙諦
鏡花水月卷中傳
此生已了空中色
只合長齋懺佛前

雜憶詩十首用元微之韻

原無金屋爲君開敢向仙源問渡來憶得天台初入洞
落花片片委蒼苔

牽來一線豈紅絲正是瓜瓞未綻時憶得羞人呼不出
欲前仍傍繡簾欹

歸寧幾日恨偏生欲見無因借別名憶得隔門通一笑
阿娘厨下已聞聲

雁聲九月鎮相催陌上香車緩緩回憶得六親相見後
共傳攜得月娥來

醒園家宴屆涼秋白石欄邊俯碧流憶得采菱分剝罷

鴛鴦來處一停眸

艱難萬里歷關河不使風塵浣翠蛾憶得駝輿垂小幔
溫柔鄉比在家多

三竿高卧日偏長正值春雲捧玉皇憶得歡娛長閉戶
早朝不羨侍中香

冬來霜重漸支離鎮日圍爐共酒卮憶得裁縫京樣好
舊衣先遣試參差

每因去住兩難時萬種愁來亂所思憶得閨中嘗勸說
長安久住豈非癡

離家未慣亦人情每聽更深出禁城憶得病時長不寐

擁衾共話到天明

題歸德太守趙檢齋房師詩集二首

漫說連膺五馬榮當年四海入文衡風流典郡傳蘇白

雲散升堂憶戴彭

昔年諸同門於趙雲松寓

鴈字題成

雲五色蘭花培就雨千莖

師有鴈字詩三十首又有要

知風化關心處不在尋常課雨晴

春風不坐十年多雜沓門生奈老何水部高名誰繼續

師自工部郎外轉

山公啟事竟蹉跎尊鱸秋思遶三月琴鶴清

風遍雨河他日歸途親講席要將白雪細瓊歌

周允廷

上拔自豐潤謁選來京冒雨見過四首

大雨止如此君從何處來十年饑渴慰子夕笑談開事
過無須懺時來不用媒君看裘馬輩衮衮盡登臺
憶昔初謀面相留汶水濱今朝重握手如見故鄉隣夜
雨三聲鴈秋風兩鬢隣君尊甫及余先君皆已下世回頭年少事惟
有涕濡巾

睽離知幾日老境忽相侵交是貧時好官從拙處尋烟
縈香畔楊風動壁間琴客禮何曾具吾方醉未醒

阮籍狂徒爾王戎鄙未捐誰如喬梓繼復見竹林賢文

亨承先澤功名定後緣嗟余真薄殖敢說授經鉛有佳

名晃龍文欲從余學故云

哭金川死事趙損之吳鑑南諸人和程魚門韻

書生漫說樂從軍萬骨堆成一將勲飄縹魂穿深箬月
磷峒尸裹亂山雲空傳客裏登樓賦愁聽沙塲吊古文
剩欲請纓成壯志無才祇恐負明君

和襄城明府張雲谷

邦伸見懷韻二首

結交不在廣所貴同心蘭我有斷金人相思隔雲端久
而不聞香人室空盤桓朝來鵲送喜有客來河干採懷
出手書爲言覲面難人生非有他道物偶控搏隨地走
四方險歷岌與垣火鼠自趨暑冰蠶自趨寒所趨雖各
殊無非謀一餐我昔來京師所願一識韓文章非老成

亦向富波瀾翱翔附青雲和聲效鳴鑾豈知垂天翼終
爲尺蠖蟠雖未終朝襦已殊占錫鞶所以鬱居此白晝
常鮮歡今君復見慰祇益羞顏丹會當拂衣去躍出塵
漫漫寄語蕪澤人寥濶看飛翰

仲尼昔反魯援琴操猗蘭乃知雖聖人亦自多憂端我
少讀春秋篇未終隱桓芥視青與紫謂祿便可干無梯
可上天始知寸步難衮衮看諸公萬里爭鵬搏卑飛笑
鷓鴣安望高及甌碌碌走塵中誰憐賤子寒甚欲焚筆
硯恐因咽廢餐窮愁學著書又甚卑申韓雕蟲雖小技
尚可挽狂瀾君有太白後誰無慙金鑾坐令英髦輩俯

首甘屈蟠知命故不憂斯口可書聲威君屬望意愁懷
愈不歡已除散仙籍安望大還丹回首望故鄉雲水何
瀾漫秋風昨夜動我欲師張翰

農部徐惕菴尊人玉亭先生以新繁令籌餉金川
至木果營遇難惕菴聞信卽素衣向西慟哭將萬
里至蜀尋父屍臨別出詩數章見示余故與玉亭
訂交甚契前年辛卯秋余將至京猶及見於成都
助舍詩酒往返十餘日今追憶之赫若前事而其
人已往曷勝愴然因和其詩元韻以誌別並輓玉

亭

白馬秋風去帝城
旌亭話別一樽清
大忠不覺從軍苦
至孝翻悲死節名
血洒寒山鵲是伴
骨留荒礪草難生
因君至蜀尋消息
我亦悽然動別情

前年錦里葉初飛
曾別先生上帝畿
好友常歎如鳥散
依人每笑似鷹饑
卽今舊雨誰青眼
自古浮雲總白衣
多少故交零落盡
故園何日賦烹微

僧問司程魚門王鎮之
馮介亭孟蘭洲王曉荊劉
綱齋盧閭峯方廣堂梁梧岡
飲曹長吳樹堂我堂
羣賢畢集我堂東
四面圖書映畫櫺
九月天逢楓葉雨
一時人醉菊花風
主能投轄情何重
官訝恩波迥不同

好與諸公相努力玉珂及早響瓏璫

童山詩集卷十五

綿州李調元雨村

甲午上

答王梅溪仲問詩

岳聳須如岱江源要倒岷四時春日好萬象夏天新格
調宗唐律杼機採宋人大都先忌俗乃可望清醇

送湯緯堂大業同年之德清

捧檄東南去多君咏白華故鄉饒橘柚新色帶蒹葭吏
散堂前舞農忙陌上車雲溪山水窟合遣付君家

張雲谷同年寄書聯姻

從來四三說張李二姓原宜互結姻實殺不須圖孔雀
徐陵早決石麒麟地無遠近惟君好天有盈虛恕我貧
若道同心金必斷雷陳方許作朱陳

挽大司寇錢文端公

陳羣

三朝眷遇老成身願養林泉二十春秀水文章名似斗
香山圖畫髮如銀簡濤世掌三公職錢沈齊名兩老人
豈謂忽翔雲外駕傷心驚見卹恩綸

簪纓不少聖明時誰似詞章結主知御製驪珠頻
寄和迎鑾龍舸每教隨自慙才豈籠中物偏許天從
管裏窺我是歐陽最遲弟辦香獨自感恩私

記得嘉禾侍起居
趨庭剛是學詩初
吟成蠶繭頻眉喜
引近臯比講論徐
一棹鴛湖春載酒
幾行鵝帖夜臨書
白從忝竊蘭臺選
清夢時猶傍草廬

一別春風不與遊
人間無路望仙舟
昔蒙國士曾青眼
今作郎官欲白頭
篋裏卷餘朱筆抹
壁間字尚墨痕留
平生亦有西州勸
不是羊曇淚總流

送晚城司馬錢蔭齋

改恭

以艱回浙

盧溝橋下送縷衣
立馬橋頭涕泗垂
身是世家難作吏
人因名士遇偏奇
雲高檻馬猶呼伴
風猛林鴉不戀枝
聞道晚城好山水
他年與爾結茅茨

送別王梅溪之杭州

見說東南勝西湖我舊過繞山僧寺出傍水酒樓多夜
夜聞絲竹人人總詠歌王喬木仙令定有好詩哦

奉和粵東中丞德定圃座師見寄元韻

登龍魯憶滿京華桃李逢時盡作花孝伯亭亭慙直上
於未科師充大總裁閱四川卷孔融小小亦通家十年
調首蒙擊賞拔置會試第二人不立門前雪萬里常看海外霞今日讀書似親炙春風
疑不在天涯

自知入室未升堂濟濟容隨吉士行偶借青藜近燈火
公然絳帳聽絲簧郎廳此日偏依鶴學博當年笑擇羊

調先以國子監學錄拜祠受知故云屈指平生知遇重鳳鳴終自愧朝陽

道德門依鳳闕間年前入覲暫來還春容近接三臺象風化遙靖百越蠻薏苡囊開無別載木棉花發又重攀珠江可許陪趨步飽看羅浮月一灣

帝容柱石爲寧邊八座文昌內簡賢人頌恩威恩最著羣歸教養教尤先陶延名重溪谿伏韓愈文成海鯉遷雜沓最憐門下士幾時重入醉翁筵

奉命典試粵東再登前韻寄呈定圃座師大中丞

南交火值炳文華何意微名署五花

各省試差例由中書票簽請旨時

五省之命 手執弓旌原爲國心欣衣鉢得傳家三年
同日俱下 坐憶談風月六月行看赴晚霞師友一時皆遇合
忘真是浩無涯

予固文從六一堂當年指示得周行舞來鳴鳳皆諧律
吟出雕蟲似鼓簧天使絳紗仍侍馬人傳綬帶實過羊
諸生欲識淵源自濯漢應知並景陽

海山一氣杳茫間萬里迢遙記往還自古文人寧有種
只今 聖化不分蠻後生雨澤恩皆沐前輩風流盡可
攀好向龍門爭鼓浪窮源樣只在河灣

同駕輶車下日邊持衡嶺嶠愧非賢敢云楊炯居王後

正試爲青陽
王公懿修

常笑劉琨恐祖先驛路公程爭夜趁郵亭
詩興逐時遷囊中各有皇華詠待正吾師璚琕筵

六月初六日出都是日福建典試編修湯辛齋

甲同部王曉莊元燮同出都辛齋與春甫同官予

與曉莊同官而皆出庶常故詩中及之

簡書捧到五雲端畧整行裝便跨鞍直省有官同銓鏡
偕行無客不金鑿路從海上分遙近衣在箱中備暑寒
誰解觀星知漢使應言此日發長安

晚次良鄉縣

晚次良鄉縣篝燈隔樹明高城收暝色遠塔忽雷聲里

記七千里程纔第一程炎天雲似火大半總宵征

偕王春甫

懿修過宏恩寺

近京無百里見此大禪林雨過百花放雲蟠萬木深累
羈腰下玉緣淺囊中金空與蘭臺客流連話素心

涿鹿感懷三十韻

積穀爲防饑不爾何須穀養兒爲防老不爾何必育南
昌昨奏下東粵始輾轉持旌甫出京分道先由涿郵亭
坐淒清往事忽傷觸惜昔癸未春先子領州牧旁午理
羽書艱辛閱案牘旱歉多饘糜訟庭少輟朴父老起謳
謠上吏爭拭拂時調捷禮闈泥金近報速先子覽之喜

對客笑容掬謂眉賢良對庶可大吾族既失龍頭選未
畢中秘讀高堂色雖沮婉語暗鞭督口啣雞舌香列宿
亦枚卜豈知事竟謬悲詫走平谷山頽一旦燕廬墓三
年蜀官老咄馮唐臣譏笑了朔出處俱願違并沉付翻
覆冬去冰初解春來草方茁恩深懼難付任重矢清肅
世本儒家素報稱或不辱所懷在風樹不免臯魚哭舊
邦一憑軾山河尚如沐頗聞閭里間比戶猶尸祝不敢
詢遺民恐復數前躅陰陽不相待老少互相逐待得遂
意時先子已瞑目衣錦實夜行此意何人覺皇華不敢
辭雞號聊躑躅坐令一夕中熱淚洗炎酷

新城別湯辛齋

我愛湯夫子風流今尚存功名如鷁退意氣自熊膺誰
念詞臣老偏多聖主恩最憐程限迫不得共清言

傷二僕

此莫非王事賢勞豈汝身如何觸炎熱忽爾化飛鱗衣
被餘空馬棺衾委路人蓋惟無以報一日兩酸辛

詠鼈蝨

過在平作

人能害物命物亦害人膚暑天生囓蟲安睡尤難圖昨
宵更狼狽有物出羅綸其名爲鼈蝨其臭如鮑魚比蚊
少羽翼方蚤實蠹徒向明盡藏匿乘暗爭來趨滅燈始

覺有以火照復無不惜食人肉但知肥已軀逞他口餐
餐拚作血糲糊其走若奔驚其勢若相屠所恨我身瘠
難供爾輩咀我今已去矣爾復誰傷乎秋風一朝來我
爲爾輩虞

東平州謁東平王墓

漢家宮闕總荒荆一派松楸剩故城千載名言爲善樂
莫將腰腹笑東平

聞朱子穎署東平州滿擬快晤及至則子穎已去
見故人錢塘孝廉申改翁發祥來謁始知罷官未

歸留州掌教言相待久之因出子穎所題圖詩以

示遂用其韻託寄子穎

思君如泰山日望山已近誰知山可瞻惟君只許聽初
聞四野歌清廉絕餽贈又聞萬姓留攀轅待月盡由前
我服膺由後我竊幸豈知去已先思君令人病返悔我
來遲未下留行令君晝逼蘇米盈箱縑紙剩君詩隸李
杜狂語多乘興近聞青自珍有請色先客思君欲寄書
揮毫身已困改翁早休官課蒙誦孔聖忽見肩輿來掀
髯劇談論頓覺清風生大暑去酷政聞君素契翁展圖
看益信如何知我來不遣一介命可能贈以言庶以人
爲鏡平生知己言尺牘亦難罄縮之短韻中再拜他邦

敬十月嶺南回切毋失後訂

登黃樓

用蘇東坡韻簡唐芝田

黃樓十丈聞人說未到彭城戒宵發
揭朝雨霽渡河來先登不復畏泥滑
步步纔攀升雲梯飄飄似著凌波鞵
混茫一氣落掌握浩蕩百川恣吸呷
我聞樓本霸王廳始自蘇公改築鍾
當時泗水尚安流祭河不煩白馬殺
風流太守撫此邦攜妓時來眠古刹
一自熙寧十年秋大決澶洲勢傾軋
滄桑變劫那復知此樓想已遭崩壓
至今手蹟絕無存山水猶然見鱗鱗
我來喜得賢主人載酒張燈更烹鴨
且聽蜀客述數眉朱許吳人夸茗雪

徐州司馬唐芝田邀主春甫與余遊雲龍山分韻
得龍字

徐州古名勝第一曰雲龍山水平生癖所至輿輒濃使
節雖不遑郵程尚從容便指南山麓一訪蘇老踪所恨
無我輩豫爲東道供豈知天假緣唐子防河衝欣然出
白門各以肩輿從入門便清奧花木相輝重烟霞來遠
岫亭臺出高墉叢篁宅幽蝶一一驚人楚珍禽拂帽帶
飛上岩邊松直步黃茅岡草逕何蒙葺石牀大如席仰
臥開心胸試衣復瀟灑四面風淙淙望嶺無百步曲折
通房櫳遂躋放鶴亭恍若蓬萊峯黃河一線來濁浪何

洶洶九里山環之相負如駟蜚
厓麻滿四澤大野青溶溶
維時天宇曠虞淵方高春披衣一叫嘯響答聲鑒鑒
鱗甲忽生動萬壑如鐘鏞俯視大九州芥子將無同顧
我二三子胡爲我車攻昔賢行樂處草木堪敬恭安得
十日留一洗俗塵封浮萍不易聚處世多惺惺茲遊弗
盡醉來者嗤愚癡大笑謂唐子惡客毋乃逢借問客爲
誰家亦居臨邛

蘇東坡客王肇來彭蠡詩客惡何如主人樂

放鶴亭

梨棗柴門白晝閑山人放鶴此山間
不須更羨張天驥家有雲龍却未還

望猗亭

望猗亭下斷猗流坡老風流數百秋想見羽衣乘夜月
醉中吹笛上黃樓

隨堤曲

玉蛾金蠶憶繁華錦纜牙樯帝子家殿脚三千宮女盡
隔江無復唱楊花

六月二十四日宿臨淮閭邱報得祝芷塘德麟同
年典試湖北信

人生如馬牛順逆隨風走又如鷄與鵬決起時相關我
友祝芷塘廿年膠漆舊同日人紅梨臨文驚宿構當年

翰墨場意頗其馳驟豈意事狼狽龍豬骨生就我既鳳
池奪君方雞林售連年收桃李多於積薪薪庚寅典劔
南網盡錦江秀兩佐歐陽闡蠶蟻絕外詔而我當此時
待兔方株守今年禮大比名及春官奏天子臨軒試

席坐孤羆右不使他山琢自貽一字謬

次題孟子秦穆公余誤寫爲穆

經註猶指示余以繆穆古通用不肯改坐此第一改爲第六

何期庾嶺南竟添行人

副五花不判君心知定入穀所惜揚鏹分不得同輻輳

詩名愧盧前加鞭笑祖後昨者臨淮驛風雨非逗遛聞

君有楚命屈指節持又竟夜喜不眠聽盡銅壺漏南荆

實多材鄧林稱最富東粵亦珠藪龍池水方縹君當白

南鄙我亦合浦陋他日共較量定不差池臭

定遠道中

纔入江南景便賒人烟簇處路分叉遠山有影雲方動
流水無聲雨暗加槐樹陰中卧黃犢稻花香裏吠青蛙
十年拋擲田園樂錯認今朝是到家

店埠食藕戲王春甫

炎天六月火雲蒸大華峯頭未可登風味可人何必藕
先生本是一條冰

桐城道中

南邦山水首龍舒疊翠浮青百里餘雲密不知溪路仄

山鷄飛過小盤輿

清狂安得米翁顛
來寫峯頭淡淡烟
好箇人家聚山崧
一灣流水一灣田

北峽關和太司寇錢香樹先生題壁韻

夜發龍舒道馬上一無觀
不知入山深但覺雲左右
曉來亂峯出巖壑爭叠
賊風從兩腋生雨似隨手
覆何處輶雷聲溪與石奔
鬪奇如登劍門高不數
靈鷲空山無斧斤老木
盡堅瘦上有萬歲藤纏絡
入其腠當年我師唯詩題
駐節後驚蛇落壁間紗幮
護雙埃平生知己淚讀罷
放聲又夙忝置藥籠跼蹐
在鳳囿今亦持節來不

見泰山壽猶憶昔時言爾是峨眉秀

過潛山春甫自以入青陽故鄉境讓余先行

柳堤莎徑馬蹄遲竹遠人家槿遠籬秧綠無邊田穠埏
松青不斷嶺厓巖臨山似展倪迂畫潛水慙無許渾詩
安得與君連轡語蕉衫簞笠點鞭絲

至潛山縣縣令光齋兄

截陽

來見

梅山初至使車安況復鄉情觸萬端水亦知人清到底
山能迎客笑相看日斜茅舍歸豚豎雨過萍池放鴨欄
到處風光全似蜀羨兄只作蜀中官

東林寺和錢香樹次吳眉菴少司馬壁間韻

路過湓城別有天匡廬山色望中懸客來千里始逢寺
僧倚雙松方聽泉往日風流傳白社近來雲散憶青蓮
廿年多少傷心事盡在金陀絳帳前

先生府第在
湓水金陀坊

宿三笑堂

和德定國座師韻

萬籟笙竽響一林虎溪勝蹟此初尋雲昏西澗鐘方動
日下東山殿早陰天下難逢開笑口人間莫逆是知心
影堂千載留真契試問如何師誼深

謁南唐後主祠

遺甃風前墮空山雨外斜可憐青草裏猶放麝囊花

陶靖節先生故里

千載柴桑地今爲栗里庄宅邊仍柳綠籬下少花黃身
作羲皇卧心多晉宋傷世無陶靖節不必有詩章

喚渡亭

建昌縣

元和遷客此題詩山谷名亭卽以之欲問青山誰句好
草風莎雨喚船時

建昌館中懷新建李琪園

鐸同年

我輩同登第譬撒一畝菽根芽旣孰種雨露滋長育肥
瘠以地殊榮枯因材篤得時勃然與枝葉何或或位置
或失所甲拆纔拳縮有幸有不幸要歸運與福君看同
科人盡占膏粱沃人登金鑒幾人擁大纛而惟我與

爾轅駒共蹉跎當年三百人子齒榮如玉眼若巖下電
詩似筍初束阿兄竊其間豪氣頗不俗奈何互升沉依
然舊面目競秀十年餘都似苗初茁不秀有以夫不實
未敢卜君爲西昌宰道里分水陸我馳南越車不得共
膝促君不以价來我反以書督聞君頗耽酒一醒清案
牘又聞食肉多輪囷大臍腹得無驥未展聊息櫪下足
又如鵬未搏枳棘姑雌伏要之皆美種俱是易生物長
養自有期栽培待時出切無助苗長當謀先稗熟

烏石鎮在德化縣十里

蒼松怪栢出嶙峋烏石禪堂暫駐輪絕似嘉陵江上路

淡烟微雨送行人

一 德化道中

禾苗處處望雲霞
火急剝農踏水車
却是閒花無用雨
山山開遍紫薇花

甘露菴看竹

拄杖敲門興忽濃
寺前修竹白雲封
何方乞得湖州筆
細節雲幢寫萬重

七夕

得銀字在德化縣作

七夕雙星駕彩輪
天河浩渺正如銀
漫言烏鵲頭先禿
幾見填橋會渡人

瑞州太守佟濟蒼招遊署中碧落山

萬象掌中落來登最上臺
水蟠蛟作穴山逐鳳飛廻
待月軒何在凌雲閣未開
煙霞誰作主特訪任持來

臨江公館戲王春甫

馬嘶來郭外鳥語轉林間
細聽柔聲滑知爲媚骨嫻
山遙肩似黛家遠目如鰲
却笑青陽老無端放白鷗

峽江縣

縣小纔如斗洲多步可程
大都山似蜀故以峽名江
雨笠歸健一風習擲鯉雙
當年涪萬泊淚墮聽猿牕

仁和鎮避雨夜宿廣濟寺壁上見張度西九叙詩

因和其韻

雲黑如磐壓風聲刮樹過江鳴知雨近村暝覺燈多屋
小纔客膝杯乾不稱醅誰題蕭寺壁室邇自婆娑

吉水縣

字江日日寫清暉細雨濛濛濕袷衣忽有漁翁來撒網
一羣白鷺掠江飛

吉安太守盧介軒以招遊白鷺洲書院時方落成
爲題一律示諸生從介軒所請也

白鷺飛翬講院崇幃軒暫過此觀風一林蕉雨侵窻綠
四面書燈映水紅在昔文人鍾宋瑞於今太守得文翁

諸生幸際菁莪化休讓當年甲第雄

南康懷吏部盧聞峯鎮苑

孤峯高插天雲表稱獨秀我友鍾其間秀更得天投筆
倒三峽源胸羅五車富喙硬眼無人獨我同味臭君家
十八灘我行三秋後過君父母邦不見令人瘦惟見獨
秀峯如君在左右

過大庾嶺

雄關百丈鬱嵯峨恰趁探梅到綠蘿百級登來蛇倒退
一峯高處雁難過雲霾荒壘傳蕭勃日落殘山弔尉陀
遠望珠江猶隔水星槎何日達秋河

梅關

和德定國座師題壁韻二首

紫回路入嶺峯巔望見蒼茫嶺外天海水遠浮鰲背外
粵山爭赴馬蹄前梅銷姓著強秦日楊僕功成下越年
回首淒涼思往事惟餘曉月挂寒煙

秋風吹我上峯巔直探鴻濛手握天松杪人行雲氣外
梅花僧度月光前紗籠句好留今日絳帳傳經憶昔年
欲問曲江誰可繼試看百越靖蠻烟

保昌登舟

方愁險仄度梅關又喜偏州到越蠻分付篙工休著力
老夫借此要看山

凌江行

我來雄州髀無肉解鞍江潯身始賜飲仁亭子凌江濱
門前兩兩舟橫放今年七月苦無雨蛟螭不遣秋潦漲
鑿鑿白石淺淺沙水勢欲下舟欲上篙師叫絕雙鳧飛
雖非陸地如昇盪縣官坐衙集龍戶送舟南行悉丁壯
一一赤脚立灘中令嚴那顧魚腹葬嗟爾小黎無過憂
我雖使臣不鞭杖飽聞茲山有洪崖爲我歷歷指青嶂
嶺南舟行雜詩十首

自北邊來南越鄉語音先異况村庄使舟日日瀕江曲
半靠人家牡蠣牆

重重浦樹望中迷長立船頭到日西
一抹蠻烟橫兩岸
榕陰深處鷓鴣啼

碧波漾漾走銀沙
簫笠長年各有家
少婦舵樓金齒展
鬢邊斜插素馨花

怪道簑簾蝴蝶入舟中
瓶有佛桑然翻嫌未是春
三月不見花開到木棉

每逢灘急下深沱
七尺烏篷快似梭
昨夜修仁渡頭泊
鄰船時送摸魚歌

五里雙埃十里雙
銅鈺聲應落船窓
蠻童不識官人至
短笛烏犍自度厓

節幢高挂半南方，恰值纖舟挂夕陽。
何處叢祠方禱雨，香亭珠子結桃榔。

舟中無事獨逍遙，淺酌醪醑越酒飄。
忽起捲簾得佳致，紅牆菴外露紅蕉。

櫂郎黔面亦堪憐，撐盡篙篙袒兩肩。
攬鼓乾魚兼水飯，生來不識有炎天。

滇江水與墨江通，始覺波濤漸漸洪。
忽向蠻荒悞太古，鼻天城在亂雲中。

挂榜山

雲漢天梯近可攀，迢迢驛路下韶關。
使臣素潔求賢意，

此日驚心挂榜山

韶州望韶石

昔讀誠齋詩縷述韶石異琴瑟倚天半未信有此事今
還曲江止放覽得恣肆始知化工奇楊墨猶未備晨曦
啟孤蓬巨石當頭墜嶮嶮走橫江小舟宛轉避雙闕與
鳳閣毬門左右置或歸如柱立或橫若複隄圓笑廩輪
囷削吮鰐瓜遺翹翹航首尾尚缺帆檣植廣廈千百間
屏牆萬夫庇挺特如勇戰斜欹似人醉詭怪難殫名窮
詰恐墨費傳聞帝南巡九成臺茲地后襲已荒遠誰與
辨真偽不如問蒼冥此鐫刻秘江山助詩力或有知

音傳重華事有無且付稗官志

彈子磯

自入韶山來巖壑益奇秀神禹力不到天工自結構彈
子非彈丸尖峯半削就上摩蒼穹蟠海日褰鵬啣潭深
入地府萬丈不可透饑蛟尾不掉勢已風雨驟石洞誰
雕鏤鬼斧巧琢鏤欲過退飛鷁爭上撲猿狖不知何代
仙時或見晴晝其他蜺蜺穴年深難考究不逢張端公
圖經何從覩輻郎報水程鵠舌一笑又

觀音巖

我行七月杪歔歔日增熱及至觀音巖秋氣生凜冽訝

岷天削成臨江驚斗絕水府蟠天根古洞穿巉巖凌空
陟鉤梯千仞捫積鐵火鈴照幽邃魍魎皆走滅蝙蝠老
成精見人飛一瞥鍾乳倒垂崖萬古所融結俯欄生恟
愁唾咳落霜雪明燈照佛龕苔痕剝古碣清景不可留
倉遽與僧別雲霧忽開霽歸舟始見日

瀘陽峽

舟下蛾眉岡望見瀘陽峽峽長二十里潭潭峭石插壁
立幾千仞巖壑爭傾壓兩峯摩蒼蒼白日忽在匣束湍
偏仄處蜿蜒一航恰下有蛟龍爭磨牙俟呀呬踟躕過
盤渦始覺坤維狹急水散鳬鷺深葦叫鴨鵝看盡山山

雲如雨纔一霎牯牛灘已過意適未敢狎篙師問泊處
待我熟羊腩

香爐峽

何年香爐峽亦擅匡廬名秀色不待削乃若天生成峯
巒似螺髻對宛如皇英又如青佛頭下俯玻璃清林深
不見寺時有鐘磬鳴天風吹松杉江空遠聞聲灘船銜
尾上挽緯互喧爭人如沙上鳥一點頭行而我獨遲
留但愛山崢嶸顧謂航舟子灘淺卽停旌

大廟峽

粵東山水奇每出意不料連朝已臻絕茲復得大廟橫

江截一峯巧奪神工造竟不受寸膚直以骨力傲刻鏤
非人爲瘦削乃逼肖直插萬丈潭不知深所到壁鏘老
黃楊何年栽石罅其根膠漆固虬結久不燥下有朱碧
門靈祠口灑掃傳聞虞夫人唐時初得道生扼黃巢鋒
歿制峒寇恭有功登祀典宜膺血食報我來薦溪毛靈
旗若見告順風送五羊免汝篙師叫

中宿峽

南風阻我舟今日風忽止清晨入中宿聽我櫓聲喜雙
崖信曲折浦樹益嘉美回首見人家半在修竹裏夕陽
下石壁昏昏炊烟起沙邊持竿翁舟如一葉耳得魚就

我賣此意未可鄙白鷺不上灘飛還知倦矣巖影倒江
中我亦傍村癡忽聞欸乃聲山青乃如此

英德道中

不知南國異初值北人過滇水舟前合英山枕上多問
程逢蜚語近市起蠻歌昨夜蕭蕭雨鄉思竟若何

清遠道中

桄榔遙浦暗華撥近村稀海怪迎潮上蠻禽貼水飛濛
濛雲在樹颯颯雨侵衣無限遲留意遙帆出翠微

清遠峽

日日看山行山亦日日變就中數清遠造物工鍛鍊危

崖勢欲合巨靈擘兩片鑿開混沌天中通江一線泉多
伏莽飛石半臨江斷雲截峯腰齊雨洗巖容換木客解
吟詩楓人盡目悍樹根長於蛇入壁忽不見但聞隔澗
中時有猿相喚所見旋卽忘究竟空健美不如坐孤舟
讀盡書一卷

遊峽山飛來寺

有峯懸半天直疑不在地傳云是飛來如何帶有寺後
人好荒怪殿宇自安置我來步屨顏攝衣減從吏青葱
帝子祠荔奴蔭深邃詰曲扶杖登十步或一憩太空飛
數雪噴簿出巖際松風四山下草木盡蒼翳壽藤不知

年脚底爭纏系榕陰五色鳥亂飛時落羣梵唄山高巔
登眺氣益銳老僧知我疲邀坐供山荔回頭笑相詔又
破十方費

飛來寺題飛泉亭示懷遠長老四首

老僧借我古藤杖上到雲峯最上巔檢箇石頭松下坐
滿身衣濕看飛泉

疊翠浮青石壁橫奇花異果半無名山童白日偷龍目
見客扳枝下不成

凝碧灣頭水不流懸崖老木幾千秋蟠根盡作蛟螭瘦
踏破芒鞋始上舟

忽聽深林叫杜鵑
通山暝色促歸船
他生行脚緣終在
每一峯頭住一年

半山亭

烟鬟霧鬢出青冥
竹筧飛泉下翠屏
雲碓松門今已杳
夕陽猶戀半山亭

清遠晚泊與春甫聯句六首

清遠江邊暫繫舟
春甫石尤風起不須愁
兩客程已過飛
來寺甫從此平川到廣州
兩村

奚僮小立聽敲詩
春甫但少笙歌把酒卮
兩村買得異花香

滿座甫夜燈風颭對談時
兩村

隔岸紅旗雨路分春護船都用水岸軍雨行期欲待秋

江月春刁斗無聲壓黑雲雨

蠻曲無腔信口歌雨琵琶秋怨別離多春雖然不是江

州白雨風雨魂銷奈若何春

櫓聲伊軋又移灘雨宿鷺驚飛響羽翰春何處酒樓人

對語雨一江燈影動闌干春

嶺南氣候總殊常雨細葛秋來未覺涼春撐起蓬窠天

在水雨龍宮月色湧珠光春

三水縣

海南將近一航輕樹裏雲天望眼明萬壑雨餘秋漲下

三江月落晚潮生風多鷺鴨依均聚夜靜龍龜應鼓鳴
白塔岡前人獨立看他波浪幾時平

與春甫分賦南方草不狀二十首

何意親來此目旁峽山寺裏味初嘗老僧指點秋風子

中有仙人白玉漿

龍巖

挂綠凝冰種最嘉丹山真有鳳九家水晶日日輕紅壁

不合深山餌月華

荔枝

聞道雌雄必對栽名高味諫美於回紅鹽幾日紛紛落

早有蠻童喚賣來

橄欖

南天客果禮尤需葉少灰多味勝無我愛唇紅嘗一顆

頰潮已覺汗如珠

橫梅

三畝五稜青各各問名都自大洋來細將白蜜忒收取
爲是新從瘴地廻

羊桃

蓬蓬風旋望洋迷有客兼金海上攜
簪望望花人望果不如望米賤如泥

簪望

露垂茵蔯花心卷風攪珠砂葉裏香聞道
拚腰娘子好情人爲覓一梳黃

甘蔗

虞翻宅裏起秋風翠葉玲瓏剪未工
錯認如花枝上艷不知莢子綴猩紅

燕麥

美不待儀能自釀銀桃頰顆玉漿涼從今更欲生新法

萬瓮將心作酒孃

柳子

智藥訶林種有年根鬚已老葉華鮮
他時歸策應誇富

帶得生綃萬片烟

菩提

口落扶桑葉盡遮無端天半見朱霞
蠻娘髻上枝何艷

笑殺西川木槿花

佛桑

箭幹梢頭葉子肥深深紺色似蕉非
喚他鐵樹無人信

聊介從來識者稀

朱萼

樓欄細認總難同參參鬚搖馬尾風
摘得青珠充麴食

麥秋何必俟年豐

梳櫛

彷彿身來釋子家夢中鼻觀鉢曇花
曉來初削刀生果

始悟星槎到海涯

波羅蜜

枝枝繁縟綴玲瓏落地猶爲耀日紅借得藏經猶未寫

暫留數葉笑春風

貝多羅

紫絲繞髻人人艷結縷穿燈處處忙十里珠江香不斷

可憐一半上紅粧

素馨

夫婦相須義亦佳粵人聯果各村皆寄郎勿棄相思葉

方勝當年出妾懷

薔薇

凌波微步想依稀姑射仙人偶夜歸想是纖纖渾忘扣

秋風吹落五銖衣

金釧子

芳華故苑碧無邊想見青蔥百畝連勸爾蔬人勤種薤

縱令旱不到浮田

蘇

丰角稜稜張一單還看赤壁火如焚小兒作崇渾間事
畢竟收功讓使君

使君子

將至廣州復疊前韻呈德定圃座師

簡書一自捧皇華看到梅關嶺上花
帝闕天遙方定館師門日近似還家
衣餘迴雁峯頭雨舟帶羚羊峽口霞
鐵網珊瑚知不遠珠江只隔水之涯

待刪詩篋未登堂舟裏烏絲細作行書愧龍蛇蟠若篆
聲漸蛸蚓竄如簧從來易變非凡鯉自笑難鞭是後羊
欲識王通傳道遠祇慙高業郭汾陽

自是清風兩袖間
官廉都見薜蘿來
還波濤此日吞三水
瘴癘年來靖百蠻
沆瀣一家同典壘
時師爲監臨梧相百尺
獨追攀夜來檠戟思華楊清夢先榮夜雨灣

見說珍英萃海邊
掄才大典此求賢
私情縷縷陳猶後

公謁堂堂禮敢先
例以八月初六日齊集
中丞署中坐在監臨上星近斗牛槎

已到風高蛟穴艇
頻遷白袍門外方如鵠
看菊欣知近

九筵

戲懷遠長老
用華間陳太守淮韻

欲訪靈跡迳未開
躊躇還下讀書臺
老僧不用愁空寂

雲裏仙猿定夜來